



NOTIS POUR PIBLIK AN ZENERAL

Komisyon Reveni Sesel (SRC) i oule enform tou manm piblik ki apartir le premye avril (lo saler lafen dimwan avril) 2016:

1. Bann travayer plen tan osi ki bann zournalye e travayer mi tan ki ganny en saler total ziska SR 5,050, pa pou bezwen pey taks lo zot saler.
2. Pou evite ki bann travayer ki ganny par lao SR 5,050 ziska SR 5,941.17 pa ganny dezavantaze, pou annan en nouvo formil kalkilasyon taks pou zot.

Sa formil i konm swivan:

$$To\ taks = 0.15 - \frac{[5,050 - (Saler\ total \times 0.85)]}{Saler\ total}$$

Par egzanp, si ou saler i SR 5,600, ou kalkilasyon to taks i konm swivan:

$$0.15 - \frac{[5,050 - (5,600 \times 0.85)]}{5,600} = 0.0982$$

Savedir, 9.82% taks pou ganny aplike lo ou saler e ou pou bezwen pey SRC SR 549.92 (9.82% x SR 5,600).

Pou ganny aske avek sa nouvo formil, vizit sit web SRC lo www.src.gov.sc. Ou pou annan zis pou met lakantite saler ou gannye e kalkilasyon pou otomatikman ganny fer pour donn ou lakantite ki ou bezwen peye.

3. Pour bann travayer ki zot saler i plis ki SR 5,941.17 par mwan, 15% pou ganny aplike lo zot saler.

4. Pour bann travayer ki ganny to konsesyon (par egzanp; fermye, peser, travayer domestik ek travayer “*daycare*”), zot kapab servi to ki pli ba, ant nouvo to taks e to konsesyon.

Par egzanp:

Senaryo 1: Si en travayer domestik i ganny en saler total SR 5,050, taks lo saler ki aplikab i 0%.

Senaryo 2: Si en travayer domestik i ganny en saler total SR 5,600, taks kalkile an servan nouvo formil i SR 549.92 (9.82%) e taks an servan to konsesyon i SR 50. Dan sa ka, to konsesyon i pli ba e sa travayer pou pey SR50.

Tou anplwayer i merit kontiyen soumet zot “*payroll*” kot SRC parey labitid menm si zot travayer pa pou pey taks lo zot saler.

Note ki pou annan ankor sanzman an Zilyet, e nou ankouraz tou travayer e anplwayer pou vizit sit web SRC detanzaot pou ganny plis lenformasyon.

Pou okenn lenformasyon adisyonnèl ou kapab kontakte SRC lo nimero 4294937 oubyen vizit nou sit web lo www.src.gov.sc.

MERSI